

**Chew Mei Fun pengukur penerimaan rakyat terhadap MCA  
Astro Awani  
23 February 2014**

**KULAIJAYA:** Pemilihan Naib Presiden MCA, Datin Paduka Chew Mei Fun sebagai calon Barisan Nasional (BN) bagi kerusi Dewan Undangan Negeri (DUN) Kajang menjadi kayu ukur kepada penerimaan rakyat terhadap kepimpinan baharu parti itu.

Berikutan itu, Timbalan Pengerusi BN, Tan Sri Muhyiddin Yassin berkata, peluang bertanding itu tidak harus dipersia-siakan meskipun ada pihak mencadangkan BN supaya tidak bertanding pada pilihan raya kecil (PRK) DUN Kajang, 23 Mac ini.

Menurutnya, Chew merupakan calon yang berkelayakan biarpun dianggap sebagai calon 'underdog' untuk berdepan ketua pembangkang, Datuk Seri Anwar Ibrahim.

Beliau berkata demikian kepada pemberita selepas melancarkan Bantuan Rakyat 1Malaysia (BR1M) di kawasan parlimen Pagoh, hari ini.

Katanya, perbalahan diantara pakatan pembangkang yang boleh dikatakan serius sebenarnya memberi peluang buat BN untuk menang pada PRK berkenaan.

Keadaan itu memberi kelebihan buat BN terutama isu yang membabitkan Anwar Ibrahim dengan menteri besar Selangor, Tan Sri Abdul Khalid Ibrahim.

Keputusan meletakkan calon BN di DUN itu bagaimanapun ialah keputusan terbaik bagi membolehkan BN menerangkan maklumat benar untuk membolehkan rakyat mengetahui keadaan sebenar berkaitan kemelut politik dalaman pakatan pembangkang.

Copyright © Astro Awani Network Sdn. Bhd. 2014 (535275-D):.

Source: <http://www.astroawani.com/news/show/chew-mei-fun-pengukur-penerimaan-rakyat-terhadap-mca-30654?cp>

